

重修平順縣志序

邑之有志者國之有文

可一曰無史邑不可二

志也者所以留待諸

而垂於後也平之為

靖甲午始距今方百

他邑之歷年久遠者固

重修平順縣志序



邑之有志猶國之有史也國不可一日無史邑不可一日無志志也者所以彰往詔來備觀省而垂修救也平之爲邑自明嘉靖甲午始距今方百六十年視他邑之歷年久遠者固有間矣

志之修始于萬曆乙巳距建邑之初歷七十二年續修于

今上龍飛之壬戌距創修之初更歷七十八年夫以新建之邑志之不可一日無者而乃遲之七十二年而創始復遲之七十八年而續修其間傳者未必真言

者未必詳求其彰往詔來信而有徵也蓋戛戛乎難之所賴前之官斯邑者創始爲趙公續修爲劉公皆究心吏治徵文考獻俾邑之故實不至與荒烟蔓草同其淹沒者二公之力也余以戊辰夏奉

命尹茲土入其邑見其城墉彈丸
居民不滿數家其土地皆石田
磽确無溝塍阡陌其人民類穴
居巖壑間且其山厚無泉石多
土少官民皆蓄池水以供爨否
則取汲于數十里之外日用蔬
藟之細非市于郡城不能有邑

而若此其荒僻也亦已甚矣居
數日即延訪紳士耆老詢其疾
苦復求邑志而披閱之以周知
一邑之掌故不禁愀然感復殷
然念也邑雖僻壤亦有民人社
稷其疆域之廣袤建置之因革
戶口之多寡賦役之重輕官師

政事之得失人物風俗之淳澆
節義文章之炳蔚何一爲邑之
所無何一非志之所當詳乎由
壬戌迄今又十有二載矣其宜
紀載者不少而余自蒞任以來
蒿目傲心兢兢焉求所以拯凋
而起敝者亦日異而月不同苟
不有以志之烏覩所謂傳者能
真而言者能詳乎蓋事莫重于
國賦民命而治莫先于人心風
俗平居萬山之中割黎潞壺三
縣之邊徼而爲邑土瘠民貧惟
正之供尚借樵蘇卒歲之計俯
仰惟艱歲戊辰邑饑已已大饑

閱庚午春流亡載道溝壑慘目
余思無食則無民無民則無賦
無賦何以爲邑急請

上憲發永豐倉穀三千石並本
縣常平倉穀六百石按籍貸給
窮黎以是稍安其業而田賦亦
不至大有逋負邑庠序雖設誦
讀絕少不惟科目寥寥而生員
增廣之例俱不滿額余力請
學憲足其成數復廣立義學以
教民間子弟而士風稍稍興起
深山窮谷罕聞聲教余奉
聖諭十六條朔月講讀復刊刻捷解
成帙家諭戶曉禮讓之風亦蒸

聖諭十六條朔月講讀復刊刻捷解

成帙家諭戶曉禮讓之風亦蒸

蒸乎漸異于喬野之舊矣凡此
者非敢謂藉此以告無罪亦惟
仰體

聖天子蠲租阜民敷教化民之意而
勉盡職分于萬一云爾乃紳若
士有增修邑志之請余亦嘉茲
盛舉因得從諸君子之後而觀

厥成是役也舊者仍之新者續
之缺者補之畧者詳之要必以
信而有徵使後之觀省者知所
修救焉耳昔先王之衆建侯邦
也大國不過百里附庸不足五
十以故微盧彭濮皆屬茅土之
班曹魏邶鄘咸預陳詩之數異

日者

皇華輶軒之使觀風問俗平雖
蕞爾亦得以志之所紀竊比于
附庸之義而備陳詩之末余且
藉諸君子之相與有成者而拜
手以獻矣是為序

曾

康熙三十二年歲次癸酉孟夏
之吉

勅授文林郎山西潞安府知平順縣
事庚午科同考試官杜之昂坦
如氏謹序



平順縣誌序

環平皆山也而縣治爲青羊山
地其分土建官創名平順者則
始於故明嘉靖之年成於貴溪
夏言之議也夫城如彈丸不敵
一村而疆界之內散漫難制
大約地曠而人稀山多而水少

然士質而謹耕讀相資民朴而
愚不鮮未作猶有古處之遺焉
其未縣之前凡人與事分記於
壺關黎潞之書故嘉靖之前可
以無誌及既縣之後則夫建置
沿革之經營度地分畝之區畫
與夫差徭貢賦之定額昔之人
殫精以圖之後之人悠忽而忘
之寧非宰此一方者之責乎余
以丁巳年承乏來牧茲土至之
日滿目荒涼民多鳩鵠之形室
有懸罄之嘆心竊傷焉乃下車
未幾思得縣誌而披覽之於以
採風問俗考前代之盛衰鑒政

事之得失俾胸有成竹事可因時而卒不可得即僅有藏者俱因兵燹之變幸畱灰燼之餘而殘蠹脫畧亦非全書然從前大槩猶可考也山左趙令其有心斯世者乎但舊誌所載自嘉靖甲午以至萬曆乙己相沿僅八十餘年耳以故其事簡而畧而文章著述欲選擇則無可紀而紀之求多則未免於鄙俚之失也自己己已至於今日以年數考之又將八十年矣其間運際變革時值鼎新冠寇兵頻仍災祲屢見及

國朝應運百度維貞政治有損益
之殊氣數有循環之異而崇山
峻嶺之中又豈無高風逸韻忠
孝節烈足以揚古今而光典冊
者徒任其如浮雲朝露湮沒無
聞也亦何以彰教化而勵末俗
乎余每於錢穀刑名之暇相與
紳衿數輩商欲採緝而剗剔之
而惴惴不遑思年代寢遠變亂
屢加懼夫文獻之無徵也傳聞
之失實也且邇來年歲雖登粟
賤金死蠢茲平民素無蓄積之
資唯賴硤确之獲而輸納維艱
衣食不給即山邑一官催餉唯


恐後期撫綏自慙無術又何能
置吏治而修文事哉今尸素六
載諸廢漸興閭閻鮮失旃之民
比屋有可感之俗而紳衿諸君
子念切維桑出其藏藁復以前
說爲請乃相與進鄉耆士庶而
共謀之咸懼忻鼓舞人有同心
而梨棗之資工力之費皆慨然
取懷而與未常以強人也管子
云倉廩實而知禮節衣食足而
知榮辱豈不信哉至於纂緝之
功諸君子斟酌損益刪其煩蕪
補其缺畧不大無苦心焉是集
也舊者因之繼者續之信者詳

之疑者闕之雖不敢自托於明
備美善之無遺而一邑之內前
後一百五十年之間不僅人物
之臧否世道之污隆而天時地
利民情物理皆可披圖而悉覽
焉而後之宰此方者於以考風
問俗稽古鑒今亦不至茫然而
無稽也至於踵事增華備物備
志則又以俟後之君子考訂而
潤色之是爲序時

康熙壬戌年仲冬之吉

潞安府平順縣知縣南州劉徵

書



平順縣志舊序

平順潞邑也創自嘉靖之初年
先是叙述有志久而散失趙侯
慨焉覽山川之自勝也民物之
漸蕃政教之漸興也貢賦漸裕
而茲誦漸盛也獨文獻不足後
將何觀乃求邑之裨謚親駕而

謀於野問俗觀風探竒吊古考
沿革於未縣之先稽創述於旣
縣之後采輯旣詳勸懲亦備庶
幾有縣有志殘缺之典舉自今
日而後之考裏政教者亦有所
據矣志成來問序邑蓋先大夫
操縵地也茲聲如在敢弗恭命
夫志備古今乃是志也多載時
事卽有往事亦多得之於傳聞
似詳似畧似信似疑似文似質
也蓋邑昔隸於三今合爲一分
合之間叅考已難况彼三邑者
猶之乎杞宋也而今新邑者又
疑信相沿也卽載筆之士冥搜

遐想豈能越身世而遊鴻濛廢
耳目而另創一聞見自勒一家
亦已難矣予以爲邑雖新也山
川則舊盤紆曲折甲於他方使
士無孕秀而生養晦而處離潛
而出成功而歸者則已有則不
托於此何托哉今志收采雖悉
寧無遺珠緣舊爲新尚存裨官
野史之味垂創可矣繼述猶待
焉嗣是者宜操鉛槧徧歷諸編
因地以求蹟因蹟以求事因事
以求人問之遺黎采之斷碣而
復証之於往籍惟其真不惟其
多也傳其信不傳其疑也使事

核文雅總歸綱常風化之中由
是以傳海內將謂邑有善志斯
無負趙侯修舉意矣故今創始
予竊歸其功於邑之裨諫而尤
以討論修飾潤色之功望於邑
之東里輩焉趙侯名完璧號連
城山東肥城人治邑多善政茲

特其一事

時

萬曆乙巳歲端陽日

賜進士出身中憲大夫歷知歸德
常州蘇州三府事前戶部郎中
奉

勅山東河南監兌贛理東征餉務

平順縣志 序三
加食三品俸今予告上黨周一
梧序



平順縣志凡例

一縣志自遭兵燹後越八十年並無考証乃地方之缺典今搜殘篇斷簡謬加纂修若夫潤澤校訂以俟後之君子

一鄉紳誥命乃

朝廷恩典以獎賢良矧平地乏材間有特出者故選刊之以爲史冊光非徒曰充棟而已也

一忠孝節義乃立身之大本平雖彈丸代亦有人故詳載事實者亦礪世磨鈍之意也

一賦役地丁雖刊有全書然告荒告蠲議裁議增不可例拘實係一縣利害大關不可不載人使後世共見聞也

一景致古蹟丘墓恐其世遠湮沒故將碑銘詩歌並記之

一藝文多存其舊而未敢刪削者以已鐫之石而昔人之手澤在焉間或未工亦備錄之如贈言壽序唱和閒韻悉不採入

平順縣志目錄

卷之一

輿圖志

縣境圖

舊城圖

新城圖

縣治圖

學宮圖

卷之二

封域志

邑名

沿革

星野

疆域

城池

形勝

古蹟

山川

鄉村

市鎮

風俗

土產

卷之三

建置志

縣治 行署 學宮 壇壝 寺觀 塔墓

郵舖 橋梁 關隘

卷之四

官師志

職官 師儒 名宦

卷之五

賦役志

田土 稅糧 戶口 丁徭 鹽法 器械

卷之六

選舉志

進士 舉人 貢士 例監 雜職 武紳

卷之七

人物志

鄉賢 孝義 俠烈 隱逸 貞烈 僊釋

卷之八

祥災志

祥瑞 災荒 兵燹 紀異

卷之九

藝文志

記 序

卷之十

藝文志

誥勅 贊銘 祭文 題咏 墓誌

續修邑志姓氏

總裁

潞安府平順縣知縣杜之昂 塢如河南扶溝縣人丁酉

纂修

貢士 邑人 路躋垣 雲衢

貢士 邑人 申昌先 耀祖

泰閱

儒學訓導 孫 領人 自駿夫同鄉

編輯

邑

庠

生

王之屏

王爾推

路躋瀛

石聲揚

石鳳騰

路帝由

路帝陟

王維新

石爾巍

石爾璉

路帝臨

王澤沛

秦瑄

申輔皇

石備器

郡

庠

廩

生

路帝簡

平順縣志卷之一

輿圖志


叙曰志之爲書述稽博採非言無以盡其詳然必首繪以圖者示便覽也周禮大司空以土地圖周知九州封域漢始入咸陽蕭何亟收秦圖籍乃知天下阨塞亶所重哉惟圖制一覽則邑境廣狹形狀咸在目中俾閱志者不俟探索詳說而開卷易見矣故志輿圖

縣境界圖并新舊城圖縣治圖學宮圖查照舊志

圖樣及今改建方向模繪之


東至河南林縣界

縣馬路隘口
境夏王廟台
夏竇建德墓



南至壺


城縣界



西至壺 關縣界

西至壺 關縣界


舊城圖



平陽縣志

卷之二

新城圖



碧霞宮

雲香庵

立帝閣

慈慈山

府君廟
厲壇

文昌閣

魁星樓

明倫堂
啓聖祠
文廟

東齋

書院

文昌宮
分貯倉

癸酉杜公創建

縣治

城隍廟

養濟院

觀音閣


風雲雷雨壇

山川社稷壇


蚩蚩廟

關王閣

縣治圖



學宮圖



平順縣志卷之二

封域志

叙曰聖王體國經野奠安黎庶所以辨方位示分
守也平順雖僻壤小邑其間邑名沿革星野疆里
之分屬城池山川形勝古景之布列鄉村市鎮風
俗土產之生成俱邑域所有者故志封域

邑名

縣基址原係青羊里舊屬潞城嘉靖三年里人霸
吏陳卿爲惡潞城宰緝捕卿毆公役革不能制卿

益肆惡招亡納叛聚衆爲寇放火殺人恃險出沒
申當道剿捕未獲事以聞調河南併本省官兵征
之至八年剿平報捷命兵科都給事中夏言撫勘
奏建縣治請邑名隨賜名平順蓋取剿平逆賊地
方馴順之義

沿革

縣在黃帝時屬潞城卽春秋潞子嬰兒國是也帝
嚳時屬冀州唐堯因之虞舜改并州域縣屬之夏
復冀州仍屬之春秋屬潞子嬰兒復黎國仍屬之
戰國屬韓韓滅歸趙屬於趙及秦改上黨郡屬之
至漢分其地置潞城壺關二縣遂分屬之魏晉後
魏仍舊後周改屬潞州隋改上黨黎城復潞城又
分屬之至武德四年析上黨復置壺關仍分屬之
五代宋金元以及明朝廷至嘉靖七年悉如舊八
年撥潞城十六里壺關十里黎城五里共三十一
里奏建本縣曰平順改州爲潞安府屬之

國朝仍舊

星野

縣屬潞安府卽上黨舊郡也上黨先本屬韓及韓城屬趙是爲趙地按西漢天文志云昴畢冀州地理志云趙地昴畢之分野今縣分屬上黨潞郡係趙地在冀南域則縣爲昴畢之分野明矣

疆域

縣治在潞安府正東七十里延袤四百八十里東至河南林縣界一百一十里南至壺關縣界四十里西至長治縣界六十里北至黎城縣界六十里東北至河南涉縣一百三十里東南至河南輝縣二百五十里西南至澤州高平縣一百五十里西北至沁州一百八十里至北京一千二百八十五里

城池

嘉靖八年初建縣治知縣高崇武主簿李鸞來任督工築土城一座高二丈周圍二百五十丈有奇開南門磚砌門臺建樓三間窩舖六間鑿旗幟題門額曰太行一障門立而未褻樓成而未飾開東門一座坯砌小門以便關防高崇武行繼除知縣

路中不久卒於官延至十二年知縣徐元道至督
同李鸞裹其門飾其樓磚砌東城門建樓三間亦
裹飾之題門額曰賜谷重熹濬隍二丈五尺濶二
丈各建橋一座書南城樓扁向南曰迎薰樓對聯
一南向平山疊嶂群峯惟拱北西來順水汪洋衆
派總朝東向北曰民物解愠對聯一國泰民安上
沐虞絃之化地靈人傑新沾孔鐸之音東城樓扁
向東曰對育樓對聯一陰慘潛消惟有春風來戶
宇陽明煥發自無嵐氣染城池向西曰草木易春

對聯一明月照臨萬里塵清天地曉德風鼓舞一
方草偃士民新南城門外南關廂西邊建關門一
座路通壺關潞安府東城門外東關廂門一座路
通潞城黎城林縣城郭始備俱徐元道李鸞修建
萬曆四十三年郡守劉公諱復初精於堪輿遊覽
各縣至平順見文廟湫隘文氣壅塞開東南門一
座上建城樓三楹名曰文明樓邑侯吳公諱之儒
督修詳見碑文崇禎十四年曲阜孔公諱貞銳因
城近山截去其半週圍以石砌之至今仍舊

王升輦曰平邑雖屬彈丸當原城未截之先宏濶
巍峩頗有可觀且官斯地者榮擢超遷四鄉居民
殷庶豐腴士之由貢舉而登仕籍者亦顯達悠遠
自截城以後民日窮蹙士日淹蹇漸至淪喪不可
問矣其救弊修復端望諸後起之仁人君子焉

形勝

背青羊而面彩鳳憑玉峽而跨虹梯行山襟其南
漳水帶其北

古蹟

侯壁里與治村西有溝名錯鑿俗傳昔縣治水欲
濬漳河南流鑿山勢逆水不能下被禹乃改渠
東流始通鑿痕現存題咏見藝文

石灰里東北隅昔馬超避兵於此因山鑿窰下臨
漳水勢依險阻題咏見藝文

石城里世傳石勒氏據上黨時至此因山四圍築
城聚米今城蹟尚存題咏見藝文

八景

青羊卧月

平順縣志 卷之二
縣之北山叢栢森茂巖石羅列遍滿曲隅其形似羊每遇夜月相映峯巒蒼翠至中秋尤佳麗可觀儼若青羊卧月下焉題咏見藝文

彩鳳儀春

縣對南山綿亘起伏似舞鳳翱翔蹀躞然且夏松檜桃李每至春來萬木芬芳群卉馥郁紅紫青黃鮮妍錯雜若彩鳳來儀焉題咏見藝文

赤壁懸流

新安里赤壁村南有石崖深澗高數丈餘薄水至此急流落澗聲吼若雷氣騰若霧浪噴若珠觀者驚駭如神寓焉上建禹王廟題咏見藝文

龍門奮蟄

新安里赤壁村漳河南岸路傍有大石聳立作傳龍卧其中突起南山上至今蟠卧巨跡騰裂山穴俱存題咏見藝文

虹梯接漢

張井里東大山中有一小路通河南林縣山形似壁勢峻如天路若雲梯俗傳魯班所鑿上有虹梯關題咏見藝文

玉峽通天

新興二里高山岫嶺名風門腦路下河南林縣兩山峭立若玉峽然上有玉峽關題咏見藝文

梵宇神燈

新興二里迤東山巖有寶巖寺俱石室石像俗傳寺僧坐禪每夜半有金燈數盞從空由南山

飛入佛前後因僧童持帚撲地及取而視之乃
樹葉也其後金燈無復常見有至誠祈禱者止
現於崖畔間題咏見藝文

琳宮仙筆

安善二里靈顯觀世傳呂純陽神遊至此題詩
壁間舊志云仙侶留題吟咏見藝文

山川

青羊山

俗傳上植栢樹數千株山形似羊栢色青
翠故名縣建此山之下

彩鳳山

峯巒突出若鳳頭左右山岫依附若鳳翼
花木爭妍若鳳之彩也縣向之取鳳鳥來
儀之象

廣武山

在東禪東里廣武君卒葬於此故名

清涼山

在安善一里山上建清涼寺故名

龍門山

在石城里兩山相合中建一寺山有三穴
俱起龍故名

龍耳山

在石灰里山形似龍兩峯似耳故名

虎頭山

在東五谷里以形似名

馬鞍山

在東五谷里以形似名

葱蔚山

縣東三里許懸崖峭壁松栢青葱故名觀
象者云此山震龍拱峙最宜加高有禪學
校甲寅歲議建天主殿於上週圍先砌石
牆繼於力中止是歲縣中進文生三人

獅子山

在東禪東里西南二里許以首尾背足相
似故名東係本縣西望長治南接壺關北
距潞城新修真武祖師殿樓閣臺榭門闌
皆砌備極美麗可稱奇觀見今香火不絕

龍盤山

在邑西二十里許俗傳昔有龍盤於此故名係本縣赴府通衢虎狼出没行人戒嚴僧人寂運募修碧霞元君殿住持焚香往來較便運卒火化時蓮花出現後人志其績建石塔於山阿

漳河源

出長子嶽鳩山經王曲新安石灰駝車石城竇口等里下流入河南林縣界與清漳合

周公泉

在縣南山下建縣之初潞州守周公諱昊督工見地方缺水步相於此鑿井三眼故名今本縣各官取用永利賴焉

神虎泉

在東谷里俗傳里人見一白虎入南山下覓至山不見止存一木箭拔箭得水故名

溫泉

在新安里樂頭村漳水滌洄之處高崖深潭名為大海小海取其淵源如海之義且滌際多泉水頗溫入漳河隆冬不凍故村名樂頭蓋謂山水源頭知仁樂處也

好水泉

在新興二里羊圍子以水甘故名

大禹泉

在三池南里俗傳大禹治水經此見里人缺水相地穿井得泉里人感沐至今立廟祀之

蒼龍洞

在新興二里洞深半里許黑暗不知盡處天旱禱雨有應名為禱雨靈湫

雙射泉

在駝車里南俗傳唐太宗征竇建德人馬至此缺水太宗仰天而歎連發二矢拔箭水出故名

大岩洞小岩洞

在東五馬葭蘆里洞有水里人食

七子洞

在青羊里俗傳唐太宗第七子避難洞中故名

濟衆池

在縣南城外迤東主簿李鸞濬建城中之水悉注於此民物利之

好水池

在縣外東南隅知縣揭公諱文獻因濟衆池人畜混食不潔另鑿此池立墻禁畜凡遇天雨引淨水注之民咸便利

三岔口池

在縣東南河渠知縣王公諱榮誥濬鑿

通津池

在廣裏村河下係牛公捨地引水流注經四時不竭故名方今年久淤塞

龍王井

在東禪北里俗傳里民缺水夢龍王指此地穿井鑿之果得二眼里人感激至今建廟祀之

過水井

在李庄村西南河渠本村素缺水居民穿河渠得泉遇旱水不足用別處另穿絕無水澤始知此地方圓百步內惟此過水外則無矣

鄉村

建縣原設四鄉八都計三十一里

文化鄉凡二都計八里

青羊里

在縣青羊山下故名屬石埠頭 巒庄 門樓 塔峪 寺頭 菴子嘴 葛家峪

張井里

在縣北八里俗傳里乏水有張姓者穿井得水故名屬山南庄 騰江水

上五里

在縣北二十里因村有五井故名屬南寨 上五井 河西 中五井

留村里

在縣北世傳楚漢之際魏豹取上黨兵到無不殘害村人以壺漿迎傳令無捨掠屬李庄 白石岩

新興一里

在縣南昔多賊盜自漢滅魏後民興起善念故名屬白家庄 常家池徐家后

新興二里 在縣南屬 羊圍村 黑虎村 花園

新興三里 在縣南屬 申家平 韓家裏 井子

新興四里 在縣南屬 川底 坨台 牛家嶺

平北鄉凡二都計七里

王曲里 在縣北俗傳里有姓王者依山曲而居故名 屬 羊羔 捧頭 棗子岐

石灰里 在縣北因里人多燒石灰故名 屬 山

耽車里 在縣北六十里因路險不能行車故名 屬 坨老園 侯家灘 邑卜口 棗林 趙

家岐 漆林

石城里 在縣北八十里週圍俱石山昔傳趙石勒築城貯糧遺址尚存 屬 羊羔 黃花

竇口里 在縣東北九十里竇建德始居於此去三十里有隘口曰馬踏故名 屬 東庄

王家庄 豆峪 遮峪 馬踏

侯壁里 在縣北六十里山多壁立故名 屬 車

當 輿治 椰樹岩

新安里 在縣北四十里世傳漢滅魏豹因原居南村遭兵變民不安乃棄故址半里許改爲

新安故名 屬 樂頭 赤壁

信民鄉凡二都計八里

東禪東里 在縣西北五十里因里東有禪堂僧坐禪惑民故名 屬 黃花掌

東禪南里 在縣西北

東禪北里 在縣西北 屬 東青北 西青北

小度 大度

三池南里

在縣西因里有三池故名 屬 河東南社 北社 西社

三池北里

在縣西因里在池北故名 屬 頂流山后

廣裏里

在縣西北因廣武君卒葬於此山故名 屬 掌裏 常家裏

蔭蘆里

在縣西北因里多生蔭蘆故名 屬 北干村 下社

東谷里

在縣西北因里之東有山谷故名 屬 秦河 集林 北坡

關東鄉凡二都計八里

安化二里

在縣南漢初建壺關里民安居而化故名 屬 十里 北庄 七里

王庄里

在縣西因里有姓王勑居於此故名 屬 漠流 前車廂 後車廂

東五馬里

在縣西俗傳東西二村俱出刺史故以東五馬名 屬 西五馬 北嶺庄

安善一里

在縣西因魏豹暴虐人民不安及漢滅魏民安居樂善故名 屬 東安善 下庄 西安善

安善二里

在縣西 屬 嶺底 北庄 苗庄

安善三里

在縣西 屬 上庄 郭火 大渠

遷善一里

在縣西里人好訟後司牧令其改過迂善分其地糧平其傲氣故名 屬 逢善

遷善二里

在縣西 屬 羊井舖 烏樂 孝聞 谷駝 南掌

國朝順治五年段公

諱 呂祿因里甲單薄併為一十

九里十一年余公

諱 廉徵又併為一十八里十四

年丘公

諱 旦又併為一十七里今仍之

現今里名

文化鄉 青羊里 張井里 新興里 新興三

里 安興里

關東鄉 王庄里 遷善里 安善里 東五谷

里

信民鄉 廣禪里 三池南里 東禪北里

平北鄉 留村里 王曲里 駝車里 侯壁里

豆口里

市鎮

龍真 羊圍 新城 趙城 杏城 北社 王

曲 花園

風俗

其俗樸直而少文飾儉嗇而不奢華勤於農桑短於商賈石厚土薄地瘠人窮且黍穀菽不宜麥稻喜雨水不喜亢陽婚姻喪葬交相為助士習文武民樂輸供至於四時習尚如元宵燈火歌舞端午懸艾角粽重陽菊酒花糕鴈月煮豆祭竈之類皆與各郡縣同不必悉述

土產

穀屬

黍 稷 菽 秫 粟 小麥 麩麥 燕麥 蔗

果屬

桃 杏 棗 核 梨 柿 林檎

蔬屬

芥 韭 白菜 蘿蔔 蔓菁 葫蘆 王瓜 南瓜 地菘 蕨菜

花屬

刺梅 芍藥 水紅 菊 山丹 金簪 黃花

草屬

荻 葦 荆

木屬

椿 桑 榆 柳 松 栢 槐 楊 楸 椒 檉

藥屬

連翹 升麻 防風 桔梗 藜蘆 藁本 蒼朮 五味子 甘草 紫草 地丁 葛根

禽屬

雁 鷄 鴨 雀 鸚 鳩 黃鸝 鴛鴦

獸屬

牛 羊 騾 馬 驢 豕 犬 狼 狐 獐 獍 鼠 獾

鱗屬

鮫 蛇 蝎 蚕 蜂

貨屬

絲 綿 蜜 蔗

卷之二終

平順縣志卷之三

建置志

叙曰先王建國親侯地有定制秦不師古始開郡
 縣其後分境立制敷宣政教各因時布置平邑土
 地雖狹其縣治學宮行署文廟壇壝舖舍關隘橋
 梁寺觀皆所應設者故志建置

縣治

創建之始規制頗備明季崇禎五年流寇破

城官舍民房焚毀一空舊制盡廢至八年劉

公諱應麒重修大堂五間退省堂五間儀門

三間東西角門各一間大門三門幕廳一間

庫房三間吏書房東西共十六間衙神祠三

間支應房三間建縣碑樓一座圍圍一所在

儀門外西南隅迎賓館一所在衙神祠東今廢縣宅在縣署東後庭五間東西廡房各三間前庭五間東西廡房各三間儀門一座書房六間馬房五間典史宅在縣堂西南隅前堂三間後庭三間西房三間書房三間大門二門各一間康熙二十七年杜公諱之昂到任見縣宅內前庭五間隘小傾圮遂捐俸築石臺高五尺改建思補堂三大間壯麗可觀陰陽醫學各一所 在縣治西北隅今廢

養濟院

在縣城隍廟西南久廢康熙二十一年劉公諱徵捐貲重修康熙二十七年見任杜公諱之昂甫下車查養濟雖存其名而額設止有花布銀一兩口糧全無公即思加甄獨詳請孤貧口糧蒙司允每月各給常平倉穀三斗以足其食又每冬捐施綿襖綿褲以足其衣艱寡孤獨各遂其生

僧會司

在效輪寺

道會司

在城隍廟

預備倉一所

在縣西北隅今廢

常平倉

在二門西南隅

分貯倉

在縣衙東康熙二十一年奉旨各省買

穀分貯備賑平糶例應買穀六千石苦無倉廩見杜公諱之昂酌議創定但念土瘠民貧不忍動派里下止詳明上司磚瓦捐米在工燒造木石採取山林夫役每里止出四名不費民間一錢蒙司轉院詳請備查該縣議建倉廩之法向為籌畫周詳經營至當並無勞民傷財之處見實心任事深可嘉尚應如所請等語蒙院批允隨擇吉開工創建倉房一處共計二十間

因奉
官分貯郎各為分貯倉

承宣坊一座 在縣治前正對南門今廢

察院一所 在縣東久廢 教場 在縣東門外一里許

太平坊一座 在縣治東舊文廟前久廢

杜公書院一所 在儒學西課 一談文栽培學校

學校

儒學 舊在縣治東徐公諱元道建至萬曆二十五

年知府劉公諱復初以公務臨謁 聖廟見
學宮背負山梁坐落幽暗乃身歷山川相察
地理因改移東城隅捐俸乙百三十兩府倉
穀三百石為大工之費新建

先師殿

五楹東西廡各七楹啟聖祠三間敬一亭六
間戟門三間櫺星坊一座名宦鄉賢各三間
泮池一所照壁一座明倫堂五間東西齋房
各三間號舍六間在倫堂後西北隅教諭宅

九間訓導裁宅廢
國朝順治丙申年殿廡坍塌宮牆傾頽丘公諱且捐

俸十金督率生員王御寰靳睿王良憲石聲
振路躋垣王自新石聲揚石鳳起石鳳騰路

躋瀛秦之壁馮昌王道亨等量力捐貲補葺
重修煥然聿新康熙六年吳公諱瑄見明倫

堂傾圮捐金修補見碑文康熙十九年櫺星
門風雨損壞劉公諱徵捐貲重修康熙三十

年奉 旨 文廟外各立下馬牌見任杜公
諱之昂捐貲催工獨力創建下馬石碑二座

又於康熙三十二年因木立照壁朽壞西廡
傾頽公董率貢士路躋垣暨諸生等捐立磚

照壁一座並葺修西廡廟貌頓整自兵燹之
後兩廡位牌缺少且先後失序公加意查閱

考太學源流圖挨次添補東廡四十九位西廡四十八位先賢先儒均得享祀典禮始全

王升輦曰傳聞夏少傅建縣原欲築北城於北山之巔築東城於寺東之崗將南關盡包入城區畫可謂美備因催工迫急故斐煩就簡後郡守劉公精於堪輿觀風八邑至平順進庠生而言曰八縣風脉平順稱最若於北山建北城寺東建東城將文廟修於東城之脊不惟科甲不脫即會狀亦可有人諸生悉以前情對公曰地靈斯人傑壞此風脉大可惜也暫將 聖廟改建東城脊聚風氣於

萬一之中日後首破天荒掇取巍科者定在卯年至天啟丁卯石懷玉果中式斯言既驗則科甲不脫之言未必無應今城更改局促誠可長太息也倘日後當事者為國為民議擴城垣庶百姓殷饒人材輩出則前代萑苻蕩平之區永為盛朝樸棧文明之地矣

壇壝

社稷壇 在城北一里許歲以春秋仲月上戊日致祭

風雲雷雨壇 在城南開歲以春秋仲月上戊日致祭

邑厲壇 在東關外歲以清明七月十五十月一致祭

廟祀

城隍廟 在城西隅每歲四月十五祭賽

關帝廟 在縣南關正西閣上歲以春秋仲月上戊日致祭

文昌宮 舊在東門城樓康熙三十二年見在杜公諱之昂卜地於縣衙東創建 文昌宮一

處內有神祠三間築臺高八尺大門一間墻垣俱全遷移於此每歲春秋兩祭

孔聖廟 在城東北隅歲以春秋仲月上丁日致祭

啟聖祠 在城東北隅明倫堂西

魁星樓 在城東南隅

名宦祠 在孔廟戟門之東

鄉賢祠 在孔廟戟門之西以上俱隨春秋兩祭

聖母祠 在城南一里許東南山阿建

觀音閣 在南關正對南門

伏羲廟 在東五馬里

大禹廟 侯壁 三池北 東禪南 俱建廟崇祀

湯王廟 東禪南 樂頭等村建廟崇祀

廣武君廟 在廣裏里按戰國時趙王歇封李左車為廣武君及韓信破趙得左車於軍中

以師事之信用車計破齊功多卒葬於東禪里東山上有墓存焉

夏公祠

在舊文廟東邑人感其建縣安民功德而立碑記題咏見藝文流寇焚毀祠廢

玄帝閣

在南關正東好水池右康熙二十年新建有碑文

三教閣

在邑東二里許東山下康熙甲寅歲邑侯林公新建有碑文

三巖廟

在南關東南山阿康熙辛亥年因天旱禱雨有應邑侯林公諱堯光立廟祀之有碑

崔府君廟

在邑東關豆口樂頭馳車亦各有廟歲各致祭

夏王廟

在豆口里隋大業七年竇建德起兵漳南聲勢漸盛因得玄圭大鳥之瑞群臣賀曰

此天所賜大禹也乃改國號為夏隋封建德為夏後被唐太宗擒之斬於市歸葬於豆峪村西山下有墓存焉

李衛公廟

馳車遷善王庄等村多建廟祀之

玉皇廟

馳車新興多立廟祀之

二仙廟

東五馬遷善等各里多建廟祀之按通志本陵川人商徵子之後唐時其母感神

光而娠誕有奇德孝行居壺關紫團山採靈芝遇風而升仙宋賜封號里人因而建廟

九天聖母廟

在東峪里宋元符三年初建其馳車王庄新興俱有廟崇祀

玄帝廟

在葭蘆里

二郎廟

在安善里

東嶽廟

在遷善里

五龍廟

在張井里晉慕容時五色雲如龍形現於郛城南山因建廟禱雨輒應後邑人亦建

行宮於此

甘露王廟 在石灰里

昭澤龍王廟 在王曲里

風王廟 在遷善里

明山大王廟 在安善里

老君廟 在留村里

蒼龍王廟 在張井里

寺觀

紗輪寺 舊址在城被兵火燒毀其舊儒學郎基址也今改建城外東北山曲見有碑記題咏

大雲寺 在石灰里龍耳山下每遇天陰此寺雲盛雨遂沛然故名宋建隆元年建

龍門寺 在石灰里唐莊宗同光三二年建

彰法寺 在上五里唐景雲元年建題咏見藝文

海會寺 在張井里洪底村

薦福寺 在東禪東里宋太平興國九年建

清涼寺 在安善一里元延祐四年建題咏見藝文

金燈寺 在新興二里詳見藝文

水陸寺 在侯壁里

福興寺 在新興四里

佛頭寺 在侯壁里因山似佛頭故名

小岩寺 在葭蘆里

龍虎寺 在新興里

元熙寺 在新安里

龍泉寺 在新興里有龍泉水洞

馮善寺 在遷善里

大覺寺 在新興里消軍嶺建

鄧甲寺 在全園子村西山卜建

崇仙觀 在石城里金大和元年道人尚知玄建

龍祥觀 在王曲里金太定元年道人張可用建有碑記

靈顯觀 在安善里元至元二十二年道人牛志信建有呂祖詩載藝文

曇香庵 在邑東二里許 清康熙十七年邑侯林公建

塔墓

大聖寶塔 在新安里山埠上元熙寺內建

石塔 在張井里海會寺建

七佛祖師塔 在新興二里佛頭山建

賈夏王墓 在竇峪村西山下

廣武君墓 在東禪里東山下

卽劉寬墓 在青羊里金先授潞城縣令後遷潞州節度判官有異政復遷潞州節度

副使兼本潞兵馬事金失統元復詔授潞州元
帥府事詳見藝文

劉進士墓 失名諱在侯壁柳樹岩山傍見有墓碣
嗣子劉居仁立

郵舖

青羊舖 在邑南關坐西向東舖房三間今廢

羊井舖 在邑西三十里係遷善里路迤長沿壺關

橋梁

天橋 石灰里北澗水東流

落絲橋 在遷善里因木細故名路通上黨

龍行橋 在王曲里路通黎城縣

通濟橋 在王曲隆冬漳水寒涸民病涉知縣揭公
諱文獻捐銀八兩建木橋一座民咸便利

有碑記

西平橋 在東庄村西君民王一貫趙宗道等修建
有碑記

龍騰橋 在新興里俗傳橋下起龍故名

藏龍橋 大覺寺西漢光武因王莽追趕至急避於
此橋故名

關隘

玉峽關 在新興里花園村西縣東八十里

虹梯關 在張井里栢木都縣東北二關俱與河南
林縣接壤嘉靖八年夏公建立有碑銘

漳義隘 在候壁里昔名漳義關兩山峭立中有
石澗漳水經流人從澗邊行通河南

馬踏隘口

在豆口里萬山拱峙中有小路傳名馬踏關通河南

杜公嶺

在邑西二十里許舊名龍盤山有大小二嶺鳥道羊腸崎嶇異常康熙二十八年邑

候杜公諱之昂常慮行人步艱屢遭傾跌即捐貲雇匠煮粥供役自大渠村至龍盤山由龍盤山至羊井舖將三十餘里之山徑節次修葺欹者平之窄者寬之曲者直之缺者補之無不盡善其嶺西尤為險阻原道只寬尺許東傍山腰西臨深澗一經趨蹶人物盡填溝壑且一片頑石斧斤難克公親臨踏勘指點工人鑿石開道澗以六七尺不等臨崖立攬馬墻一道永無傾跌之患創從前不起之功遺後世無疆之澤雖勞在一時實利在萬年士民感頌其德共立石以誌其名曰杜公嶺公又慮自縣以至羊井舖五十餘里人烟稀少泉源缺乏行人至嶺多思水禦渴公捐俸於嶺

東置買貧民張曹揚荒熟田地高低二十五畝計中下地十二畝一分用價二兩又買李定田地一畝中地二畝用價四錢存贍義民王進一家使其收地之利永為施茶給以硃批印照田由王進世耕糧則官為辦納立石為記

平順縣志卷之四

官師志

虞廷咨牧以亮采周典設官以綏民總以宣布政教也所願慈祥愷悌興除利弊於以澤被生民化洽多士庶與

朝廷簡授之意斯無負矣故述官師志

知縣一員

主簿一員

裁革

典史一員

儒學教諭一員

裁

訓導一員

巡檢二員

陰陽學訓術

醫學訓科

僧道會司

各一員

知縣

明

高崇武

直隸井陘縣人由歲貢嘉靖八年任

路中

直隸平谷縣人由舉人嘉靖十一年任

徐元道

陝西秦州人由歲貢嘉靖十二年任

張楠

陝西鄠縣人由舉人

吳希同

河南伊府人由監生嘉靖十六年任

王沛

陝西通渭縣人由歲貢

李寶

直隸涿州人由歲貢

尹憲

直隸南宮縣人由歲貢

尹萬民

直隸江陰人由舉人

陳舜卿

河南輝縣人由舉人

劉必誠

李先芳

直隸衡水人由歲貢

張思聰

陝西安化人由舉人

王甲

山東利津人由舉人

揭文獻

直隸河澗府人由歲貢萬曆十一年任

張永錫

陝西洛南人由舉人萬曆十七年任

王榮誥

陝西華州人由舉人萬曆二十年任

陳所行

陝西潼關人由歲貢萬曆二十五年任

李時化

陝西涼州人由歲貢萬曆二十六年任

崔一龍

直隸薊州人由舉人萬曆二十八年任

趙完璧

山東肥城人由選貢萬曆三十二年任

鄂任昌

陝西鞏昌府文縣人由歲貢萬曆三十六年任

門沂

直隸河澗人由選貢萬曆三十九年任

吳之儒

陝西高陵人由歲貢萬曆四十二年任

馬負圖

陝西耀州人由選貢萬曆四十五年任

張鳴時

直隸安肅人由舉人天啓元年任陞東平州知州

張以默

直隸清苑人由歲貢天啓三年任

高圻

直隸完縣人由歲貢天啓六年任卒於任

徐明揚

江西浮梁縣人由選貢崇禎三年任五年流寇破城公指面罵賊不屈而死祀名宦

見藝文

劉應麒

遼東寧遠衛人由歲貢崇禎六年任

饒九卿

四川資縣人由恩貢崇禎九年任鋤暴剔蠹崇儒重道丁艱回籍

孔貞銳

山東曲阜至聖裔由恩貢崇禎十二年在貪圖輸助裁截城垣與築怨築愀無異丁

艱回籍

毛宗昌

陝西涇陽縣人由舉人崇禎十六年任

國朝

高復興

直隸成安縣人由歲貢順治二年在時當鼎革之際釐奸戢暴撥亂安民平易寬和

清敏仁恕而且長於詩賦琴書政事之暇游覽山水適性陶情士民至今懷之陞紹興府同知

段昌祚

河南濟源縣人由進士順治四年任正直廉明剛毅果決發伏摘奸片言折獄已丑

富姜逆之變護印避亂東山本年九月率河南奇兵恢復城池多羅郡王以袍帽賜之後補南

樂知縣

余廉徵

浙江遂安人由進士順治七年任仁慈存心寬和立政雍容之度理學之宗每日公

事畢即與諸生講書課文刻青羊有造錄見存陞赤城堡同知旋陞蘄州知府事實見藝文

王國琦

河南新安人由歲貢順治十一年上任未幾而卒

丘旦

湖廣安陸縣人由歲貢順治十二年任矢勤矢慎獨斷獨裁布袍蔬食一介不苟且

每役出差料遠近以限時日稍違即重加懲創里甲安然無擾

孔任茂

山東曲阜縣人由拔貢順治十六年任卒於任

郭定位

正藍旗人康熙元年任催科刑罰過於嚴刻卒於任

吳瑄

山東長山縣人康熙七年任性直心慈內寬外嚴優禮學校撫綏黎庶丁艱回籍士

民哭送黎城境外詳見碑文

林堯光

福建莆田人由拔貢康熙九年任省徭役除雜差儉以持已恕以待人捐俸金創建

社學禱雨澤全活萬民創建三巖神廟於南山之巔仰報神庥自修天鏡亭於東臯之內陶情

自娛內陞
候補中書

邢謙 河南開封府人由儒生招民康熙十四年任敦崇大體好義樂施居任一載陞徽州

府同知

劉徵 號麟居江西南昌人由進士康熙十六年六月任慈祥仁恕寬厚廉明蒞任六載虎

不為害平地瘠公勸課農桑督屬紡織平民貧公禁革火耗裁省安置催科無追呼之擾決獄鮮肺石之冤補修學宮嘉惠後學開墾荒蕪招徠流移天旱步禱霖雨即降窮山無醫民有疾

張綱 河南睢州人由舉人康熙二十四年任蒞善政難以罄書山邑賴有起色

周鈺 山東萊蕪人由舉人康熙二十五年任抱疾卧理一載卒於署

杜之昂 字坦如河南扶溝人丁酉科舉人癸丑揀選康熙二十七年到任剛方正直慈祥明

敏甫下車即革鋪墊陋規值歲飢頻請發穀賑濟民之鬻子者捐俸贖歸不能嫁娶者捐俸完聚申補不足額數之增缺創請養贍孤貧之日糧開展龍盤山蹊徑以利行旅置買谷駝廟地畝以資僧人立義學以育才禱神祠而滅豹嶺路荒涼則夏施茶水冬施薑湯縣民飢寒則日給饘粥月給米穀有貧而無衣者歲給綿襖有死而無棺者施財殯殮淡薄自其刑不濫加仁心仁政難以悉載署黎時兩縣士民爭留曾質撫憲蒲臬口碑載道詳見藝文

主簿

明

李鸞 直隸真定府人由歲貢嘉靖八年任 王大同 羅天寵

李熙東

姜仲麟

胡大澄

范琮

王惟

常樂

連珠

湯慎

張汝錫

以後裁革

典史

明

周斌

順天府郭縣人嘉靖八年任

王珪

直隸丹徒人

劉廷珮

直隸大成人

劇汝儉

直隸永平人

賈應元

陝西人

劉狷

湖廣麻城人

王學禮

直隸亳州人

石 塾 陝西富平人

程世爵 陝西耀州人

劉應第 山東益都人

高文衢 江西永新人

梁 昌 陝西富平人

朱啟文 浙江山陰人

張四知 陝西長遠人

高三聘 河南孟縣人

錢應登 陝西伏羌人

劉 誥 陝西渭南人

王有道 陝西富平人

國朝

甯覺生 山東即墨人

李從龍 浙江會稽人

雍起鵬 陝西華州人陞鎮江府照磨

張雲鳳 直隸宛平人卒於任

朱國祥 浙江金華人

羅萬邦 順天大興縣籍浙江餘姚人陞福建寧化府巡檢

陸國禎 陝西富平人康熙十九年任新例初試平
陸國禎 順天宛平人康熙二十四年任

明季遠不可考

國輔

王映關 巡檢

李傑 江南高郵州人順治十三年任

薛以紳 直隸大興人康熙元年任

高濬 浙江山陰人康熙十一年任學工詩賦守
井淡薄開荒給無地之民施藥愈貧窮之

疾嚴拿逃人巡緝私販
克盡厥職

劉世璉 浙江慈谿人古例監改授康熙二十五年
任丁艱回籍

王名標 河南祥符人康熙三十一年任

虹梯關 巡檢

王明誠 浙江會稽人順治九年任

諸允中 直隸大興縣人順治十四年任

張顯璽 陝西三元人順治十七年任

王建 浙江山陰縣人康熙三年任

戴袞 山東壽光人康熙七年任

馬啟宗 浙江山陰人康熙十年任奉委豪爽言論
慷慨資大志未遂鬱鬱卒於官

劉銘

山東歷城縣人以文學執吏康熙十九年任明季流寇兵火閱基盡廢虎狼出沒居民穴處二家往來竟無一人冒險防禦其貧苦守清淡屏私販緝奸宄地方寧謐

連雲

河南寶封人康熙二十七年任丁憂回籍

劉鳳鳴

順天宛平籍浙江慈谿人康熙二十八年任

合屬

明季遠不可考

國朝

陰陽學訓術

王國正

馬應福

曹克君王琇

醫學訓科

張任成

曹毓英

龍在群

循會司循會

還地

覺效

性舉

源澄

道會司道會

苗太昇

張仁襄

宋明性

孫德隆

教諭

明

郭維直

直隸開州人

李天民

河南洛陽人

王文振

錦衣衛籍順天府學貢

劉相

河南洛陽縣人

韓希文

山東膠州人

劉思忠

河南陳留縣人

柳自省

陝西寶雞人

張孚化

直隸東安人

賈希哲

河南懷慶府人

陳以堯

山西浮山人以上俱由歲貢

魏尚賢

山西翼城人由舉人

張一相

陝西平涼府人

梁大壯

江西人

李之仁

山西圻州人

趙永聯

山西定襄縣人

韓學孔

山西崞縣人

郭傑

山西圻州人以上由歲貢

邢南薰

山西太原府人由舉人

薄匡宇

山西汾州府人

郭可恃

山西絳州人

楊啓元

山西垣曲人

張鵬翼

山東臨清州人

程世能

山東曲阜縣人以上由歲貢

朱光顯

國朝

王廷召

山西運司人由歲貢

王誠一

山西孟縣人由歲貢

張懷瑁

山西繁峙縣人由歲貢學富二酉守廿一
藉接蒙獎荐陞直隸密雲知縣

薄言震

山西洪洞縣人由舉人才敏學富訓課如
時雨溫和似春風闔邑庠生成感為佩服

康熙二年裁去
教諭改設訓導

訓導

明

杜宗禮

陝西咸陽人

楊義

陝西長安人

楊隆

陝西左衛人

馬橙

河南修武人

王珠

陝西城固人

喬山

陝西清水人

孫濟民

陝西府谷人

紀行寬

河南磁州人

趙英

陝西榆林衛人

仇仕祿

山西偏頭所人

馬秉智 山西解州人

袁澄 山西天成衛人

王天衢 山西沁水人

李伯珍 山西翼城人

張翼麟 山西太谷人以上俱由歲貢

國朝

劉博 山西應州人由歲貢性量慷慨器宇軒昂
敦義氣重名節傲上敬下不畏權要學道
試滌逼取行劣抵死不肯濫報且庇覆青衿人
不敢以非禮忤之去之日士子携壺漿泣送絡
繹不絕五日方得出境閭縣士民置生位於名
宦祠

王賓 山西澤州人由歲貢

張普施 山西蒲州人由歲貢

鄭之輔 山西陽州人歲貢問學宏深心田豈弟

余得淵 山西渾源州人由歲貢

張汝衡 山西平陽府臨汾縣人由歲貢持身清謹
敷教詳明學宮傾圮捐俸修補勸諭諸生
勤課藝守禮法士風稍振

范台儁 山西洪洞人由歲貢康熙二十二年任年
踰八旬精神健壯性好讀書日昃不遑燈
下猶能作蠅頭小楷屢乞休致縣批云觀摩已
久知教化之多方把握維新喜儀型之在望幸
宮墻而有賴思泉石以何心雖景近桑榆感慨
為英雄所俯仰而盈蹊桃李文章正君子所優

遊偶爾遠和善調無恙願借光於西序勿動輿
平東山府批云品行端方教規嚴肅多士正資
典型今稱腹痛病發非若真正痼疾仰縣轉行
該學加意調攝勿負本府慰望至意

李梅 山西陽曲人由歲貢康熙二十八年任品
端行潔學富力強言笑不苟訓迪有方前

此學舍傾圮不能蔽風雨自出貲財翻修補葺
又創建東房三間俱稱完美後人坐享其利
孫領 山西大同人由歲貢康熙三十一年任

名宦

明

少傅夏公 諱言平寇已亂建縣安民

潞安府知府劉公 諱復初捐金輸谷改修學宮建
樓開門疏通文氣

邑候徐公 諱元道開創縣址百務俱舉法令行而
姦頑有制禮義興而風俗可敦

邑候張公 諱恩聰天旱步禱霖雨三日民賴以生

邑候王公 諱榮誥鑿池蓄水發粟賑飢招撫流亡
教民紡織

邑候趙公 諱完壁重新聖廟補葺廢祠修舉縣乘
功在不泯

邑候吳公 諱之儒繼劉府尊之志而成其所未成
聖廟倫堂煥然一新開東南門濬五池

塘皆其力也

邑候饒公 諱九卿立心光明制行端方輕徭薄賦
剪惡安良


邑候徐公 諱明揚流寇失城被執罵賊不屈遇害

國朝

邑候高公 諱復興當鼎革之際一以仁愛為必喜
恕不形冰蘖自矢
訓導劉公 諱博振興文教扶持綱常

卷之四終





原件短缺

卷5-卷8

